



天津交通銀行同  
人俱樂部圖書室

或以熊節婦紀事來請爲氏立傳予讀而哀之夫傳者傳其人也必其人身後論定而後傳而傳之古人有生傳乃自寫其胸臆非史家之體節婦年才二十八雖持守不變而來日正永其志行已播于人口矣不必汲汲作傳然而有說焉按紀事稱氏爲南昌諸生張全寅女居霞橋塘溪生于乾隆己巳七月之朔年十八許字蜚源熊弟焯三年熊病瘵且死請婚期全寅難之氏慷慨力爭願往侍夫疾于歸之日擁氏入別室氏密偵夫寢排闥入屍僵逾日矣氏屢絕而甦既而欲嗣夫兄幼忠雅堂文集

卷十

跋十五

九

子熊家人皆以氏少艾恐不終其節弗與嗣旣除服氏母李咯血迎氏歸勸改志氏哭拒之然晝夜侍母疾極庠母卒逾月父亦卒氏于是孑然歸勵其操歷艱困飢寒不少怨爲時以未立夫後爲憂嗚呼如是者豈尙有不終其節之慮也哉夫醴泉無源芝草無根氏之父母尙不知氏之心而况夫家異姓之人乎使氏不知從一而終之義則夫病之日改聘可也夫亡之日改適可也無孤可撫一年二年三年可去也矧前無素封田宅之繼後無刀鋸水火之迫何樂而蓬垢襤褸至八年而其操如故邪嗚呼世多貪夫則廉士心跡不能遽明室多



楊勤懋公四知堂帖跋

勤懋公官漕督歲一覲京師 天子必賜坐殿上從容  
論議時政公奏對悉當 上意以漕督難其人故久在  
外未 召公愛讀書老而弗倦午夜吟聲徹戶牖公當  
官不動聲色於公事大小畢舉公家若寒素雖一品夫  
人葛衣練裘無改焉其家人禦寒一羊裘以補綴間之  
作字下筆不苟柳誠懸心正一語念茲在茲矣公書法  
王右軍與蔡忠惠伯仲天下後世見者知爲端人之筆  
蓋大人先生之度借見於是公孫懋學彙公書爲石刻  
一册以傳於世使天下後世見而慕之者興君子之思  
忠雅堂文集

卷十

跋十七

三

焉公歿後自淮而北祠宇林立拜公如生時云

後遊蘭亭圖跋

洪武間奉敕寫修禊圖凡四十二人坐者立者行吟者皆徜徉水石臺榭間今曲水已不可考或指入山石欄當之乾隆三十二年十二月四日諸君子招予來遊微霰初霽林壑清冽時異暮春羽觴難泛于是繪後遊蘭亭圖亭隱寒綠客意方騁凡十有一人紆徐林薄後先相望三騎參錯策馬前導欣然迴顧二叟者鉛山蔣清容也修髯龐眉披藕色氅跨白衛者劉達夫也衣淺碧白髭微笑隨達夫肩若共清容語者劉豹君也短衣急裝駐蹇石梁下睇寒流淙淙者餘干吳詩也栢龍騫跋老樹人立舍騎踞陂陀小憩豐頤廣額者鍾錫圭也其側少年擁紫褐而跌坐者錫圭弟子太行朱緗也並騎相語奚僕夾從按轡居右秀而癯者劉傳鉞也紫衣藍氅居傳鉞左傾聽樂甚少而哲者蔣知廉也小山隆隆然篋籃並度紅衣兩童子相顧而嘻笑者右爲知節左爲知讓也飛驢奔虹衣短豹裘鬃鬃然意氣壯盛殿而追赴者劉傳鏞也昔唐時有七賢過關圖宋人亦有西園雅集圖夫跋涉者有行役之勞觴咏者多退公之寄故君子征塗難盡適與達人良會感亦隨之若予與諸君子或投簪朝市或養素邱園或若泉在山或如日初出

跌宕勝區脫略世網斯樂不常此日可惜狀貌不必盡  
肖而標韻可知言論不必盡傳而興懷可想噫嘻予與  
達夫豹君皆老矣彼九人者年歲都未及三十隱顯窮  
達皆不可知他時繼雅游者有人展舊圖者有人未知  
視此十一人者較前賢四十二人何若也其亦各知樹  
立也夫爰撰後記付傳鉞藏於家

忠雅堂文集

卷十

跋十九

三

錫山吳省曾畫像冊跋

東坡謂道子畫人物如以燈取影旁見側出各相乘除得自然之數不差毫末又曰傳神之難在目與顴頰吾嘗于燈下自顧頰影使人就壁間摹之不作眉目見者皆失笑知其爲吾也此語可謂善於體會者矣曉山吳君以寫真馳譽東南最久畫史所載曾鯨高弟如謝彬郭鞏徐易沈韶張琦張達又有顧銘鮑嘉俞培周果者我雖未見其人而于曉山所爲皆可想見今觀冊中所圖三十年來名公鉅卿賢士大夫之像凡曾相識者輒欲呼之而出殆不止于形似也會氏之言曰方其未得若膠于中而不釋及有得于心如飛鳥之過目其形去我愈疾而神愈全曉山之畫亦猶是耳此冊傳之後世凡有所慕某公文章勲業者或一覩之不啻親炙其衣冠笑言然則能令羣公雖亡若存者曉山貯顏之功大矣哉方今捷書屢奏金川蕩平李郭鬚眉鄂褒冠劍必有薦曉山于朝而與閭顧諸君供奉大廷以司麟閣丹青者道路栖栖之役庶幾其克免焉

蘇門紀遊詩跋

右蘇門紀遊詩乃鑑南刺史主講衛輝時所作也結攬憑弔考核精密其詞清雄恍爽頓挫跌宕中有從容展舒之樂余因之有說焉夫游生于緣阨于勢阻于達而伸于窮雅與俗各爲避趨蓋有天焉不可倖而致也鑑南得澧州牧瀟湘九疑是其意中所固有者條以憂羈于衛于是以欲吞雲夢者拍肩太行孟門中何其壯也吾見今之仕宦山水勝區者矣焚棄筆硯攢眉薄書或趨走公府雖經過翠屏乳竇竹汀花嶼聞心與目別有所營十步之外罔知也向使鑑南宦于中州固與俗吏迥異然龍門雪中能望錢留守遣伎送酒止宿山寺耶卽在衡巫又安必泛月洞庭一聽君山龍笛耶然則此其所見又何若耶然而鑑南獨以緣勝矣

忠雅堂文集

卷十

跋五  
五



風科集驗方抄本跋

元人虛白處士河中趙素字才卿號心菴著風科集驗方二十八卷原缺第二十四卷前有翰林學士閻復序諸路覆實官安慶光華序當塗南谷杜堅序廬陵左斗元長叟及元遺山廣平狄思聖浙東廉訪副使臧夢等序大德時湖廣醫官提舉劉君卿心菴門徒也曾梓于錢唐今無刻本乾隆甲午予在揚州出千金購得之將付剞劂氏公諸海內以濟衆亦振委頓起瘡痍之素願也

忠雅堂文集

卷十

跋三  
三

書李北海景君碑跋

史稱北海六絕杜詩千謁滿其門碑版照四裔蓋邕平生所撰碑文八百餘首多自書書家所收故多遺佚宣和藏邕十碑亦無此本昔人謂邕書大照禪師碑唐時卽藏于高麗故宣和政和及羣玉秋壑皆未見此本未見收於藝林庶幾乎邕擅名當時葉法善至追其魂書碑然竟爲張說所忌貶死亦可哀已第邕書或譽爲中逸豐美奇偉倜儻或病其傾欹疏豪南宮譏其如乍官小民倔強生疏弇州病其小佻不使人敬升菴又苦其欠媚思翁謂右軍如龍北海如象皆無定論大抵古人勝處不可一途取之如菩薩神變散入諸趣具眼參之各有所得毀譽兩無足憑也此本爲府谷蘇德水大令所藏字畫完好然畢竟劍拔弩張氣力雖勁實欠虞褚渾厚安詳初學未宜問津也

白書黃庭經跋

東觀餘論以黃庭經出于右軍卒後二年換鶯者乃道  
德經因詆陶貞白之啟李太白之詩斷爲宋齊人書王  
氏書苑引務成子注外景經序闕之謂太白書右軍作  
及送賀監詩確爲兩事又引法書要錄及徐氏法書記  
武后曝書爲証焦澹園則引宣和書譜斷爲梁元一寫  
董思翁則援陶秀實趙子昂兩跋斷爲楊義山書紛如  
聚訟惟廣川書跋引開元時陸元悌語以右軍原本乃  
真行書非楷字天寶末已被盜去莫知所在後世所傳  
皆唐人臨本此說最允予謂晉人作書不拘體格惟以  
忠雅堂文集

卷十

跋于四  
天

運筆恬雅寬舒藏骨于肉歛力于韻爲善唐人則劍拔  
弩張都無含蓄鷄冠劍佩視不違如愚氣象迴不侔矣  
病中肝火內熾因取此本臨之附記于後乾隆丙申小  
雪日書

新安兩布衣詩畫卷跋

予爲諸生時交新安兩布衣一詩人吳鏡秋雲炯一畫  
史吳堯圃麀皆寓公之有品者其他皆負其所長馳逐  
聲利又或援附名公巨卿以自張皆鄙夫也鏡水詩情  
澹遠著薺草詞名貴有法年八十餘童顏藹若與汀州  
老友黎質存良德酬唱不倦堯圃則退然如不勝衣和  
而能介有衡山風致於戲君子人也然今之以書畫遊  
蓼州者顧何若耶

忠雅堂文集

卷十

跋三五

无

桓伊墓碑書後

代

桓伊墓在城南人無有知者余來南昌將有事邑乘求其處不可得鉛山蔣孝廉某來爲予言曰進賢門外距五里許田塍間有古塚一蓋桓伊墓也舊碑爲浮屠所仆墾其地以爲田當東作時水泱泱然繞柳外不沒者僅抔土耳弗治滅將繼焉余聞而慨然遣吏往視度塋域界而封之表以碑鳴呼世無墓大夫之職比邨松栢摧而爲薪掩殫不周牛羊蹂踐蓋可勝嘆乎哉夫凡民邱壠五患知避矧古人功濟當時德章一世者雖時移物變孫子冥滅使馬鬣崩頽鞠爲茂草何以慰幽泉而

忠雅堂文集

卷十

跋三  
三

彰往古也按晉書伊初授淮南太守以鎮綏有方進督豫州十二郡揚州江西五郡軍事有破賊功又進都督諸軍事西中郎將豫州刺史及符堅南寇肥水奏捷封永修縣侯進號右軍將軍十年遷都督江州荊州十郡豫州四郡軍事江州刺史上疏言江州虛耗連歲不登餘戶五萬六千宜并合小縣除諸郡逋米移州還鎮豫章詔令移州潯陽伊隨宜拯撫百姓賴焉閱數歲徵拜護軍將軍卒贈右將軍加散騎常侍諡曰烈噫豈非以死勤事以勞定國者哉夫當孝武時險詖譏諛構會嫌隙君臣之間可謂難矣伊處功名極盛之地當讜飲問

獨能侷達放率撫箏而歌聲節慷慨使人泣下沾巾帝  
滋愧色非誠毅篤摯積於平昔一時詠歌感何能爾若  
夫遣表惓惓不忘國家上證防危之心昭然可揭史稱  
其謙素弗驕始終不替有以哉詔書曰伊忠誠不遂益  
以傷懷當時恩加身後封樹之榮故可想見乃二世國  
除厯千餘年而其墓已如此悲夫考典籍所載晉唐以  
來匪特帝王陵寢禁絕壅殖卽賢臣烈士有致君利俗  
定亂弭災及能立言顯行者苟其邱壘可識亦加巡簡  
修葺邑宰望古興懷愴然先矩拾遺舉廢職何敢辭乃  
勒石申禁去其攢穢迷顯式暢永保無虞庶遺跡可觀

忠雅堂文集

卷十

敬七

三

清微不滅雖曰柯亭三弄不在人間而餘韻流風曠代  
相感叔夏有知勿更向荒烟冥漠中輒喚奈何也

議

重修儀徵文信國祠諸賢配享議

有序

眞州東門外河壩舊有大忠節祠創自前明成化間祠宋丞相文信國公而以州守苗再成揚州統制姜才配嘉靖元年增配刺史趙孟錦康熙丙子運使劉德芳重修戊戌邑令陸師再修又增配王炎午迄今乾隆癸巳又五十五年矣祠宇傾圯前岳常禮道秦公巽持服里居主儀徵講席言于監掣分司張公景宗慨然肩任約同官釀金新之顧以配享四賢于義未安意謂苗守與丞相侃侃定恢復之策且三日甫

忠雅堂文集

卷十

議五八

承密檄卽動猜心使丞相踪跡稍涉疑似則死矣謂之知丞相可乎旣不相知義難會食後與趙姜兩公各死其職雖忠烈不殊而守土流芳較寓公遺躅亦當有別名宦旣祠附享實贅然俎豆有年主不可毀乃遷三公木主于別殿于禮爲安獨王炎午未出里門而從者如杜架閣輩反無一人列侍丞相之靈得無抱歉于是俾予折衷焉而論定之予亦丞相鄉人也乃不揣愚陋條其說而爲之議

議曰文山先生脫京口之難借遁者曰杜許曰金應曰呂武曰張慶曰王青曰夏仲曰鄒捷曰余元慶曰李茂

曰吳亮曰蕭發蓋十有一人其在鎮江出窸覓舟實余  
元慶一人定計惜守義不終至通州與李茂吳亮蕭發  
各挾百五十金叛去是罪人也而從丞相始終一節者  
七人焉按公指南錄載杜澆募四千人欲救王室見予  
西湖及北行澆憐予孤苦慨然相從至嶺南死節又載  
高沙道中虞侯張慶右眼中一箭項受一刀割髻裸于  
地帳兵王青被縛去僕夫鄒捷足爲馬踏流血又哭金  
路分詩注金應以筆札侍門下二十年性烈而知義歷  
官兵馬都監隨涉險難數千里至通州以病卒葬西門  
雪窖邊又集杜詩之一百十三首注云環衛官呂武太  
忠雅堂文集

卷十

議王九三

平人勁烈忠鯁與予同脫鎮江患難中賴以自壯及開  
府南劍遣其結約江淮後從予汀海挺身寇寨化賊爲  
兵領數千人出江西遭橫逆死一軍流涕然則杜金呂  
張四公烈矣哉其爲東西兩龕正配之神無疑也王青  
縛去雖存亡未知而善善從長當與夏仲鄒捷別立一  
龕于西龕之下以祀之蓋三人雖下走而丞相記錄無  
貶祠使厠末坐亦丞相之所許也唯以王炎午配當時  
殊失考據今主不可毀又不可分附苗姜之側予孰思  
之而得其說請再益蕭資張千載二人木主與王炎午  
共祀一龕于東龕之下庶丞相顧而樂之焉何以言之



曰此三君者皆丞相鄉人而于丞相死生不易者也夫丞相之死豈待炎午之言始決乎然天地茫茫之中知丞相必死者只一炎午是有契于丞相之性天名節者也可配也集杜詩之百卅一首注云蕭資本書吏子家避地入廣資于患難中扶持甚力及空坑兵敗衛護太夫人及保全督府符印有功在兵間調和諸將爲我腹心之良士潮陽被害哀哉是有功于丞相之眷屬而成其孝者也可配也公本傳及江西通志載張干載字毅甫與公友善公旣貴屢辟不出及公被執北行干載隨往寓公囚所近側三年供送飲食無缺且密造一櫝俟公畢命日卽藏公齒髮南還終歸公骨以付其家是有功于公之遺骸者也可配也以言無涉于眞州流寓則炎午不應附祀以言與丞相死生終始之際纏綿固結則丞相有靈未能一日忘此三人雖從事于燕于闔于粵于四海皆可也謂之從丞相之志可也眞州何碍耶今擬東龕祀二位曰宣敎郎除禮兵架閣文字天台杜公濟神位曰環衛官總轄太平呂公武神位西龕祀二位曰承信郎兵馬都監吉水金公應神位曰虞侯張公慶神位東龕下列一龕祀三位曰太學生廬陵王公炎午神位曰閣門路鈴吉水蕭公資神位曰義士廬陵張

公子載神位西龕下列一龕祀三位曰王帳兵青神位  
曰夏親隨仲神位曰鄒僕夫提神位如是庶幾可以通  
幽明之情而有合乎報禮具瞻之義若鄒瀨尹玉等各  
有事功謝翺林附祖等皆非公鄉里更于真州無涉者  
槩可畧焉

忠雅堂文集

卷十

議

五

忠雅堂文集卷十一 以下駢體文

鉛山 蔣士銓 心餘

賦

平定回部賦

大荒以西襍種是棲如蜂房蟻垤部落不齊厥回所屬  
曰天方天堂曰默伽默克與唐宋後所稱西域者其殊  
區異名皆窳不可稽是惟古筠冲地所共獸游禽息于  
覓絕險遠也則有哈烈阿速坤城魯迷厥男女髡鬚纏  
首編髮覆頰主曰瑣魯檀教曰馬哈麻而飲酪食羝彈  
丸黑子分罽列畦厯千百代孰縻孰羈我 朝德威燁  
忠雅堂文集 卷十一 賦一

赫盡天所覆剪虵曝鯨庭舞百獸長城以外藩離我西  
北鄙者綿亘數千里皆各安尉埃幅員廣遠古今未覩  
回匪我族類亦匪我寇亭毒煦嫗俾全汝生汝弗來亦  
弗汝疚吁嗟兩酋爲回望族制于厄魯特是臣是僕悉  
索敝賦苟延敵觥中國有 聖人莫往莫告我 皇平  
伊犁飛走窮蹙以鑑稱鉢決渠破竹賁育搏雜兵不血  
血 繼述大孝西事以肅方將放牛馬韃橐纛與中外  
息烽臥鼓享止戈之福乃 眷憫回首爲賊魚肉使脫  
拘囹使仍長部曲使霍集占居我伊犁使波羅泥都歸  
葉爾奇木枯條再肄悴葉更沃諸回聞之感極而哭將

魚貫厥類相率內屬就下走墻言歸于仁唯恐不速其  
久蟄而獲昭蘇者宜何以自勗乃兩兇厥有恒性不可  
馴育信信磨牙悖 恩肆毒助仇抗有德反噬之罪萬  
死莫贖 皇赫震怒載出王師此而不征曷以威四夷  
此而不殄曷以慰死綏蓋順逆有必克之理決斷無臨  
事之疑籌邊有萬全之策用人無賞罰之私于其締構  
也有若觀火于其折衝也則如舉旗 乾綱睿謀廣運  
在茲易將將我軍兆惠往斯于是敵千礪鏃束矢踰微  
反風燎原而回不可支勁旅四百人渡河而西如垣壓  
之如雲覆之爰克庫車以收其四陲以定租稅敘官秩  
忠雅堂文集 卷十一 賦二 二

通泉幣安化僑諸城順俟歌舞以隨挈彼捫酪是迎是  
依凡有血氣者仰 大皇帝尊親弗違光明洞徹如照  
世杯奈何和桌木怙惡不回孤軍萬里賊莫敢窺寡可  
敵衆屢戰或疲馬則或疲士則益威困獸猶鬪以遮以  
圍我軍如山岳曷能動移虎賁三千一心共持沙場醴  
泉雪窖香粢地不愛寶俾毋渴與飢築堡堅壁者二月  
兵氣愈奮而賊擁萬眾徒形茹神恣俛俛乎黑水之滄  
方倖師老援絕狡焉待逞而豈識 聖天子先慮預防  
默運勝算于睿思 皇帝曰嘻師懸遠絕無繼或困勞  
逸異情主客判畛咨副將軍及諸參贊率我索倫兵先

時以進龍驤萬羣蚪蝟麟奮接趾齊于超絕驅迅遐哉  
戈壁軍儲艱運載布易回粟饟溢我困朕授爾方畧爾  
其師朕爾往勗乃功庶滅斯蠹穹廬甌脫賊臥方穩大  
兵從天下沸坑噎盆雨矢電矛決水千仞迷穴兔駭喪  
林鴉隕鎮壓枕籍人馬蹂躪魚爛豕奔一蹴麤粉堅堅  
瑕瑕我卒不損來視不仰去顧不反兩賊突梯漏網而  
遁旣解重圍迴阿克蘇全師合隊休息秣芻在師中吉  
成于 廟謨時雨之師甘霖沛濡天厭共戩寧逃後誅  
賊匿兩城脫角挫脰忘其睽嗚失其去就汝自作孽

帝弗汝宥載命將軍兩師夾蹙一往葉爾奇木一往哈

忠雅堂文集

卷十一

賦三三

什哈爾焦釜漏囊汝曷以互救賊懼先跳首尾顛仆二  
城遙降濯滌瑕垢哀哉爾賊本無足爲革筭木薦何堅  
可持短垣毳幕何險可資弓柔矢弱身偕志離其免脫  
鼠逸所倖免于萬死一生者或不爾追豈知 天兵掩  
截亦正亦奇故羊腸亦勝鋸齒亦勝如疾風捲籜如強  
箭射絺霍斯庫魯克明瑞擊之阿爾楚爾富德殛之彌  
縫錯綜整暇互施我弗汝誘汝轉我疑左剪右屠腹枝  
敗披載逐窮寇伊西洱庫兒伸頸引足就鞅入絆如負  
塗豕曳尾龜賊攜妻孥徘徊慘悽帖者伏者不傾不危  
迎者順者以恬以嬉爾亦一回爾可聞知狼爲狽負梟

與猊班同途各竄心碎膽寒輜重厚亡匹馬蹣跚前峯  
如虎踞是名拔達山素爾坦沙實爲厥汗彼汗望天  
日瞻就孔艱得將軍檄膜拜以歡言補其牢檻此亡羆  
拘之柴札木兩兇益頑且圖內亂覬肆老姦彼汗知之  
劍架夜攢一屍一首膏斧懸竿予以獻馘爲將軍慶將  
軍曰匪予之功實天子之聖二萬里外用兵如神皆  
天子之命諸回伏地股栗以聽大荒極西于是以定  
十月庚子捷書上聞皇帝曰嘻其旋我軍疆以戎索  
二萬餘里五年之中化敵爲家克藏厥事非予一人之  
功蓋

忠雅堂文集

卷十一

賦四四

天恩助順者孔殷故克慰

祖宗心送

慈闈喜

郊社

陵廟嶽瀆百神以享以祀覃恩汪濊萬物樂只酬庸  
賞功其各以次將軍振旅以還百辟卿士其勦朕行郊  
勞之禮帝頒恩詔陽和暢舒臣上尊號聖不自  
居謂

天眷世德何有于予兢兢業業履滿是虞先聖後聖其  
揆一如帝作豐碑樹于太學筆挾星辰氣迴川嶽凡

三用兵 帝無拓疆土心而疆土是拓轉輸徵調行于  
不覺蓋海宇無出車之苦而將士有從軍之樂 帝作  
兩銘勒諸絕域功邁百王威籠八極赤文綠字螯鳳拱  
翼羣回拜瞻恐懼匍匐曰此 天可汗御筆也永鎮我  
邦國其攜我父老率我妻子庶幾仰之以畏懷 大皇  
帝之威德 帝作開惑啓盲振聾天下讀之昭然發矇  
於皇 聖謨以始以終其樞萬本誦萬國億萬斯年罔  
不龔

忠雅堂文集

卷十一

賦五  
五

側理紙賦

緬貢紙之著名記拾遺于南國比龍綃之獻於滄溟若  
箭布之來於賓旻旣因物以殊稱亦變形而異式其質  
非藉於麻縷絲絮其胎乃鄰于罽魯網罟擘之則循環  
無端象蒼昊之團圞捫之則縝密以栗倣璇璣之轉側  
擬天衣無縫誰操杼而宛轉成襄偈哲匠多能自運規  
而周遭以織包乎警枕之外恰配其圓綳于欵器之閭  
亦形其仄蓋虛柔爲體能隨物用以通方樸素其躬不  
借文章而潤色渾然堅潔孰得舉其廉隅展矣光明我  
欲從而拂拭又何待慌氏以涑其絲績人而藻其飾也

忠雅堂文集

卷十一

賦六

六

細繹其紋靜尋其理玉繩絡角類黃道赤道之經天銀  
練斜纏若江流河流之畫地豈無氷裂嫌比緒之太繁  
或有螺旋笑成章之無體字變結繩之制楷書端直者  
何必從繩筆嚴踰軌之心急就欵斜者庶幾循軌捲焦  
葉以新抽曳烏闌而仄被衍波生縹驗風來于四隅魚  
尾分文想帛傳于雙鯉支其圓無殊鞞鑑之囊截其半  
可作弓衣之裡秋繭囿而成獲兩窵洞穿敗鼓穹隆  
而失皮一腔虛倚轉桔槔于玉穀雪繞其機翻柏軸于  
銀花輪周乎水橫窺如臥誦圍直覷如脫桶底侏儒戲  
藏于內喜交閭之足蔽其身義士慷慨于前歎米困之



不勝其指懸于筆陣肖穹廬壁立而非瓊榭向文壇比  
城郭空環而無雉以故傳于漢文時代尉陀定當書掩  
罪之詞及夫賜于晉武年間張華遂用寫博物之志其  
工乃取于海苔其價更珍于魚子桑根魚網何論左伯  
與蔡侯雲葉濤箋不數段公同薛氏障之牖上恍累思  
之未交幪在屏間疑方空之半毀鋪來則象簞差同拓  
處則桃笙相似褶痕勻淨側開舞女之裙襞績分明斜  
裏蠻衣之纈取象則無極妙合而凝觀文則偏旁利用  
其比南夷來獻真同彼白玉之環上國傳觀訛喚此陟  
釐之紙胡乃硯史無詩墨卿缺賦豈如肅慎之矢古未  
忠雅堂文集

卷十一

賦七

集于庭階或同荆楚之茅久不傳于道路澄心偶見已  
失其堂宣德爲佳尙充于庫惟 聖主萬幾清暇宸翰  
流香六體精微龍縑浮露偶得二紙于琅函遂竈長歌  
于毫素一藏一用合動靜之樞機卷之舒之法張弛于  
文武他日再開秘笈摹蘭亭初本如奇耦之毗連此時  
並襲瑤緘副典册高文若陰陽之相互煥卿雲五色  
御筆揮來騰寶氣千尋墨花飛處底用梁園分給相看  
瑞雪以塗鴉當有神物扶持奚取香芸而辟蠹帛得  
九重廣唱遂成天府之珍藏事爲三館編摩卽是詞林  
之掌故

仁壽鏡賦

日月所照天下歸仁虛靜有容寰中皆壽鑒萬物以至  
明納羣生於在宥 聖天子以禮義爲器器則求新以  
虛誠鑑人人維求舊光天由盛德以彌昭心鏡惟 至  
人爲能守奚煩滓潤奉三無者自著光精不待磨揩抱  
四規者本無塵垢體苟悅申鑒之義惟順惟賢玩周王  
踐祚之銘見前慮後張九齡千秋呈錄勝于沮渠貢來  
高季輔金背承恩何取箕山鑄就故器車澤馬其出也  
各應其麻寶瓊璇圖其現也實當其候人官紀瑞休微  
散見于神區物曲膺祥古事可稽于靈岫蓋本燭照之  
忠雅堂文集 卷十一 賦八

無疲斯驗圓靈之不謬維唐蜀都有鏡呈露絕壁開時  
一輪懸處烟嵐半拂似香霧之輕蒙苔繡交縈儼菱花  
之迴互玲瓏石骨未須巧匠之刳皎潔金精不等元冥  
之鑄文成墨篆日中之王字雙鉤體並連珠江底之鴈  
行斜駐契樂山之旨仁原似山之靜誦如山之詩壽乃  
同山之固峯前負局悞他高士來磨巖畔司奩自有五  
丁長護他如浯溪與績谿齊名儻溪並滄陽共著臨安  
現王者儀容武擔表山精墟墓宮亭之一枚頓失寧教  
鸞鳥窺來安陸之三段平分未許山雞舞去周穆王白  
石雪月交輝宋文帝青州池波飛注雖皆石鏡奇觀未

入唐家掌故宜乎天寶之禎祥爲彼蜀人所樂賦也蓋緣質本堅貞體尤瑩淨懸諸殿陛何殊寫體之銅影出文章不啻透光之鏡異方諸之在澤非夷則之出阱宋廣平果看相字石定能言沈寺丞倘着緋袍地當有慶入仙銅之傳方社重開擬鳳洲之文新粧誰靚卮如蓋也匣已無臺刀可屈兮舞難加柄蓋物來自照用之者精視遠惟明成之者性比磨崖之壁其中點畫天成築没字之碑何處光華輝映其器可方於無我其義可通于爲政明則無不誠矣神應故妙虛而可無蔽焉圭一爲敬此軒義佩之而有容堯舜握之而各正豈非充實

忠雅堂文集

卷十一

賦九

而有光輝之謂大大而化之謂聖也哉懿彼容成壽光皆爲鏡神飛精匿影各爲鏡珍胚胎于金之三品流傳爲鏡之絕倫或辟邪于山谷或禱雨于水濱或燭寢于孟蜀或照膽于強秦或化鵠而翔孤羽或剖魚而隱鱗是不過物之異者示神奇于譎幻豈足方地之靈者占祥瑞于嶙峋我 皇上登民于壽育物以仁麗離照于重明萬方不夜撫五辰而有耀一世皆春敬觀玉燭光中壽星端朗于壽域如在華胥國裏仁恩徧賜于仁

人

律中蕤賓賦

司馬遷曰陰氣幼小故曰蕤陽不用事故曰賓賓者升也陽氣在上象賓客蕤者委也陰氣在下象主人比德于黃鍾爲諸律之緯所由託得坤之初六應長至之氣而可循是月也百官止刑而靜事君子齋戒而掩身毋艾藍以傷赤色之母毋用火而扶南位之神毋閉門閭之鑰毋守關市之緡毋燒灰于枯燼毋暴布于曦輪所以體五行之順序助一陰之始串故國語曰可以靖神人而助酬酢白虎通曰于是寓恭敬而知屈伸原夫九寸之管是爲五月之律千二百粒秬黍虛而有容八百一十方分積而弗失自夏至之初泊小暑之畢凡五日消一分五釐歷六消倍十有五日野人夢鹿拾蕉底之尖父老父承蜩喜槐陰之茂密荷鋤而采藥半夏方萌浴沂而詠歸温風何逸草間兔過未懼雛鷹壁下燈來頻驚蟋蟀乃有感微陰而作者螳螂奮臂欣欣向木堊之榮百舌無言默默笑博勞之出游北則別其同羣繫駒則防其爭軼爰辨其方則合乎未而衝乎子試紀其數則洛書九而河圖七也旣疏厥義載考其時人測中星則昏軫而旦壁日居東井則昏亢而旦危兩曜會鶉首之次五星屬熒惑之司先天本乎巽後天應乎離維

施命之取象有含章之可師分躔則柳星張之是比制  
器則度量衡之取資隸豫州而分野起應首于稽疑繫  
在音而爲徵羌得聲而成絲躍井鐵之鏗鏘誰分主客  
映宮懸之絡索巧配歲蕤豈非萬物留餘執于午陰繼  
于陽而賓之也哉于斯時也 天子居明堂大廟飭車  
旗儀從典崇尚赤之文曲奏南薰之弄用盛樂于大雪  
川源命有司以傳祠祈穀實于有功俎豆令百縣而分  
供薦雛嘗黍櫻桃之實方羞食菽與雞高粗之器是用  
長養其壯士之容益食于罪人之重修樂舞之十九物  
和諧佐氣候之宣調琴瑟之九十絲解阜合聲音之中  
忠雅堂文集 卷十一 賦十一 十一

居高明而遠眺望八荒仰 垂拱而來賓比五事而應  
五福萬國咸委心而入貢是爲定晏陰之成而拜手獻  
當陽之頌

知宮懸之絡索巧配歲蕤豈非萬物留餘執于午陰繼  
于陽而賓之也哉于斯時也 天子居明堂大廟飭車  
旗儀從典崇尚赤之文曲奏南薰之弄用盛樂于大雪  
川源命有司以傳祠祈穀實于有功俎豆令百縣而分  
供薦雛嘗黍櫻桃之實方羞食菽與雞高粗之器是用  
長養其壯士之容益食于罪人之重修樂舞之十九物  
和諧佐氣候之宣調琴瑟之九十絲解阜合聲音之中  
忠雅堂文集 卷十一 賦十一 十一

江漢朝宗賦

以予乘四載隨山刊木爲韻

王道正而百川理元圭錫而泮水除臣作司空敢忘咨  
爾帝爲藝祖迺曰警予快支祁之就伏奠陽鳥之攸居  
下流治則巨浸有所注兩界分則地脉有所舒其潛渌  
者條分而縷析其委輸者支解而節疏于是函八維于  
鴻瀨浮六合于太虛譬諸明堂旣開執壤奠而梯航萃  
矣祖廟已立效駿奔而對越凜如六服覲邦畿遐邇別  
故逖趨于王會諸侯視四瀆淵源合斯同赴于尾閭又  
豈待達澤國而持龍節泛天池而煩象胥也哉夷考荆  
州之域是爲江漢所憑江出岷山經青衣會汶洛巴涪  
忠雅堂文集

卷十一

賦十一

十一

而與漢始合漢出鮒嶠經蟠冢會褒沔文直而與江作  
朋江別爲沱至于澧帶九派三湘挾彭澤蕪湖入徐而  
相維相繫漢本爲漾至于沮過羗水滄浪觸三澁二別  
入揚而或伏或騰其間包山洞庭之廣濶峩眉玉壘之  
峻嶒綠染鴨頭湘女凌波而微步紋開已字琴高控鯉  
而上升曲唱襄陽銅鞮自踏氣吞雲夢鐵鎖誰緹遙指  
巫峽黃牛鼓聲初打試看瞿唐白馬潮勢難乘爲中江  
爲北江似閃條條之銀電配牛宿配女宿如挂雙雙之  
玉繩原夫海也者天吳所都汪洋縱恣納來宏往故爾  
滔天包乾括坤此中無地眾流趨赴自然淵乎有容萬

壑來歸豈有作之而致馬銜負砥柱而沈浮罔象汎沃  
焦而游戲鼉梁蛟室周遭儵忽宮廷鯤壑鯤池掩映神  
仙旗幟陽冰陰火敢侵向若之權貝闕龍堂自守陽侯  
之位蓋巨鼇所戴中有神山之三方夏所環妙合滄溟  
而四能下百谷故曰王旨哉老子之言不讓積水以成  
大奧矣淮南之義曷以謂之朝宗也或曰宗者尊也如  
羣后之拱軒羲五嶽之崇泰岱兒孫羅拜崑崙是列岫  
之宗躔舍周環星海亦上天之載先強後服荆人當以  
水爲師納污匿瑕坤輿則以海爲晦南國之紀于此爲  
雄楚望之崇其他弗逮蓋大國順則小國咸歸強鄰服  
忠雅堂文集

卷十一

賦十三

三

則四鄰不肯或又曰朝宗也本春見夏見之靖共比圖  
事陳謨之翼戴滌洞萬脈垂玉藻于天紳綱絡羣流曳  
龍綃之玉佩花開鐵網如森寶炬于巖廊雞唱扶桑宛  
肅曉鐘于仗隊波臣河伯固爲巨壑賓僚寶藏鹽田是  
亦元冥疇采夫一人端冕則衣裳來會六龍飛御則玉  
帛景隨王者之澤如春波注津津而不竭屬國之車如  
流水遊蕩蕩于不知資之也深固左宜而右有容之也  
大寧挹彼而注茲風雨精靈想像塗山之會龍蛇鼉屨  
巍峩岫嶼之碑是不啻大行人以客儀而納奇相大宗  
伯以賓禮而撫馮夷也維江與漢東流不還旣殊塗而

一致旋按部而就班兩岸猿聲直送江陵夔府外一舟  
雀影朝辭白帝彩雲間習坎歸懷豈等菁茅之不貢元  
龜納錫何取大魚之似山本天一之生映銀河而下上  
隨地輪之轉等玉玦之循環禽不須填免民于魚者奚  
可微禹蠡焉能測佐堯憂水者實惟有鰥于是滙而朝  
宗于海也歷鸚洲下鵲湍度鰲池越鯨灘三峽五溪建  
瓠萬仞彝陵錦里回首千盤漢女從江妃明粧攜手靈  
胥偕屈子夙駕彈冠蜃閣巍乎列宿俱臨紫闕翔陽近  
矣遠人眞到長安用賓于王儼貢元纁璣組以小事大  
恍來蒲穀躬桓有涯與無涯海客欣談島嶼不盈斯不  
忠雅堂文集 卷十一 賦十四 古

涸篙師敢笑波瀾比人臣率由之心斯德所感如人主  
包容之度益見至寬蓋四海莫敢不享而雙流先盡厥  
官所以載入圖經展夏書其可考至今紀之冊府垂禹  
貢而不刊也 皇上盛德同春淵懷若谷萬方欽過化  
之神八表應會歸之速四靈盡見于山川百瑞頻徵于  
岳瀆經綸條理庶政咸熙兼容并包無思不服 聖主  
高深之量 皇風已邁乎唐虞小臣淺陋之詞賦草眞  
慚于郭木



賀受哈薩克回部內款表

代

欽惟 皇上神筭無方睿謀先覺陽舒陰慘不言而四  
時成文德武功有作而萬物覩規雄圖于殼內制兵要  
于事先風偃雕題化流窮髮仁恩翔洽有血氣莫不尊  
親智勇遐宣暨朔南咸訖聲教定伊犁于指顧震肅九  
圍收各部于遐荒歡呼萬國穹廬落燼未驚楚幕之烏  
同甲揚灰不啜淮山之鶴箝口之馬僨車而繫者千蹄  
勢面之人輿尸爲俘者萬指角羸耳濕盡獲其牛羊山  
積雲屯大收其車乘棄甲遍野降旗載途莫不威若迅  
雷勢如破竹協人謀之允若驗靈貺于昭然矣惟茲西  
忠雅堂文集 卷十一 表一 五

哈薩克者聚族類于要荒古未傳其臣服寄生存于絕  
域志不紀其方隅今以一旅之招竟效三軍之順望下  
風而羅拜誓輸欵關獻贖之誠頌我后其來蘇願服食  
土踐毛之化遐藩已傳檄而定膚功無折箭之勞皆由  
我 皇上天威遠震聖德旁敷乃收萬國于咸寧益慶  
王師之不戰恢茲疆索陋前古之規模載以簡編彰  
聖人之神武蓋咸賓之世六合爲家有道之長四夷是  
守懷生無不遂之性率土承有截之風敕以授降之期  
爰行大閱之典觀兵耀德使知 聖主之仁威帖耳輸  
心彌凜軍容之震肅從此革心革面坐井者呈身無敢

跳梁請貢請封集庭者稽首有如崩角臣等仰承 聖  
武罔測 神功兩階瞻干羽之輝萬里慶籓籬之固挽  
天河而洗甲慚無闔外之才對宣室而借籌莫贊禁中  
之畧頌歌無盡忭蹈非常爲此合詞恭申賀悃

忠雅堂文集

卷十一

表二十六

代謝賜篆書盛京賦表

月日臣恭接到 聖慈頒賜清漢篆文盛京賦各幾本  
臣惟地靈啓于豐鎬式廓留都國風紀自幽邠聿昭鴻  
業炳著大文之煥成書首重于唐虞推原受命之由作  
頌不忘乎景亳欽惟我 皇上聖教誕敷皇謨丕顯萬  
國仰觀文之化羣言會殊俗之歸天縱聖以多能藻思  
睿發帝以臣同喜起寵錫紛披赤文綠字之奇儼授圖  
于天老玉檢金泥之秘驚攜篆于龍威曩者賦天作于  
高山揚昭代陪京之盛肆懿德于時夏美 聖朝開國  
之隆志山川物產之雄奇發祥由始記風俗人情之美  
忠雅堂文集 卷十一 表三七

厚 天命維新作述之聖在 一人寶守相傳于萬世

六體八法妙合元功轉注諧聲悉存古意配以國書篆  
籀玉筋雙懸佐之漢體龜魚琅函媿美在天成象既日  
麗而星輝因物賦形復鸞翔而鳴詩緘同合璧不徒留  
禹碣于岫嶠珍若聯珠豈止垂周書于石鼓于以頌諸  
秘殿等膺圖籍如持蒲穀躬桓試將鏤以金泥作鎮封  
疆不啻嵩衡華岱臣備員轉運叨賜 恩榮觀禾垂九  
穗之文歌切豐年景瑞仰 龍起千秋之地心馳遼海  
雲帆矣臣所有感激微忱理合具摺恭謝 天恩伏祈  
睿鑑臣無任拜舞欣榮之至

進江西省祝嘏詩文表

代

伏以 聖孝推恩萬國樂天長之慶 皇仁錫類九霄  
瞻壽域之開紀鶴算之無疆鳳簡揚輝于東壁賀龍光  
之有奕鸞綾耀彩於西園雉扇分而雲日遙臨鐘鏞振  
響豹尾列而車書咸集鶴鷺隨行拜颺喜起於冠裳愛  
戴誠流于草澤歡呼動地保佑自天竊惟祝嘏尚文天  
保賦九如而獻爵敷揚有體幽風咏萬壽以稱觥卷阿  
賡受命之長更述王多吉士雲漢美爲章之倬載歌壽  
考作人篤祐旣隆錫純益固雖田壤風謠弁鄙藹然見  
忠厚之忱况藝林旨趣和平允矣蔚嘉祥之氣固宜彙  
忠雅堂文集

卷十一

表四  
七

編分體達嵩山萬歲之聲列爵書名煥圭璧二星之彩  
欽惟 皇帝陛下尊親之至立賢無方皇誠合聖敬以  
覃敷永自天而申命文德偕武功而並懋歌復且于光  
華展禮南宮傾堯樽而上壽奉觴北極奉舜樂以承歡  
集四海之共球開九天之閭闔體

慈闈之至意法

聖祖之殊恩異數掄才遐齡薦祉一歲舉春秋之試九  
州添甲乙之科 巽命旣已頒申 坤儀自膺多福臣  
等同安覆載共切尊親敢陳土音上祈天眷千百國食  
德飲和瞻依 聖善之聲薄海遙傳萬里十三郡衢謳

巷詠歌舞太平之象西江特著一隅或懷魏闕之楓香  
葵俱向日或樹邱園之萱草花盡含春緬庠序其安敦  
載筆操觚皆得國風之正察閭閻之質樸倚筇騎竹各  
隨天籟是鳴臣心固因言以宣民諺亦順帝之則敢希  
風于作者實愛日于佳時同抒介壽之誠幸際右文之  
盛合侯鯖芳饌百珍珠味可堪羅薦天厨繡園容蠶絲  
五色成文或足上登璇室挹風雲于廬岳帝座非遙浴  
日月于潯江長安實近體 聖人達孝之忱將赤子報  
恩之隱朝天未及難效鳧趨擊壤相從共歡雀躍伏願  
孝思維則 萬壽無疆則萬紀千齡比戶獻華封之祝  
忠雅堂文集 卷十一 表五 九

三多五福長春慶燕喜之詩虔將卷帙肅用裝潢恭紀

徽音敬呈 御覽

賀金川平定大捷凱旋疏

代

欽惟我 皇上聖謨廣運神武丕昭垂衣裳者四十年  
闢疆域于二萬里揚耿光于大烈地盡流沙溥至化爲  
仁威圖開王會乃有西羌二孽偷生荒徼一隅叛服相  
仍兇頑共命敢萌邊覺自悖天常始以鳥鼠而結羶羆  
繼以駢蚤而成狼狽川分大小窟穴毗連險恃陰幽磴  
梯盤錯跳梁踞井但知尾曳泥中拉朽摧枯豈識兵從  
天下遂致 九重赫怒再興撻伐之王師萬馬飛馳大  
振提封之虎旅滔天難宥知 聖人不得已之心率土  
同仇歎絕物無可矜之路未容姑息爰用誅鋤毒草旣  
忠雅堂文集 卷十一 疏一 十一

外于生成嚴霜自加其剪削于是簡軍 命將調伍輸  
糧惟事事隱繫于 宸衷斯時時凜承乎 廟略遣八  
旗之勁旅策三路之神兵芻芟匪屨之優儲賦役田租  
之屢復兵有從軍之樂民忘傳檄之勞競揚貔虎之雄  
克掃獍梟之孽陰厓懸趾升如飛鳥凌空峭壁裏羶絕  
比驚蛇赴壑百戰百勝千礪碎若崩雲九地九天列若  
摧如破竹策勲無敵韜鈴秘受於 皇謨坐照如神宵  
旰默傳其方略更荷 褒忠賜卹臣心益勵丹誠賞廕  
酬庸士氣倍增勇銳于是履萬夫難到之地攻諸蠻不  
備之時駭若雷霆驟如風雨迨無堅之弗克亦何險之

足憑莫不膽碎驚濤魂游沸釜鼯鼠之五能都盡狡兔  
之三窟俱空网恤鴟張頓成魚爛以此膚功疊奏堅壁  
屢登願陳長狄之屍生縛黃支之頸哀號請命稽顙乞  
降然而積惡難寬野心不信荆榛留種定存滋蔓之枝  
鷲羽求馴終匿飽颺之志孽自作而寧活網已合而莫  
開必殲之以靡遺庶滅此而朝食焚巢掃穴未能蔽厥  
餘辜耀德宣威實足揚吾大武前謨所缺收厯朝未隸  
之版圖後至必誅示屬國不共之譴罰臣謬司鹽筴分  
供邊儲身未勵于戎行心切懸于軍實洗兵錦水欣聞  
巴蜀之飛書歸馬華山獲覩雲霄之露布祝烽烟其永  
忠雅堂文集

卷十一

疏二  
三

息頌化日之舒長中外恬和梯航輻輳從此舞羽送  
天顏之喜萬國同春建橐廣大凱之歌一人有慶矣  
臣以職守未克隨班舞蹈謹具疏稱賀以聞臣曷任歡  
欣忭舞之至

江蘇布政司檄士子應觀風試

卷十一

爲觀風事攬南國寰區之勝考厯代扶輿磅礴江山自古稱雄鍾名都海嶽之靈當六朝風會推移文物于斯爲盛形勢則龍盤虎踞人才應運而興衣冠則鳳翥麟翔門第過江最重蓋吳子通于中國使來季札芳聲特著聞人聖學播于南方士有言游後覺皆崇儒術江東鉅製斯文互見恢宏淮右偉詞作者俱標芳潤劉子政藜光映彩秘書留在枕函陳孔璋椽筆驚人飛檄草于盾鼻枚生七發皋能繼握丹鉛張氏五龍鏡獨不揚鱗爪三俊聯驥于江左二陸並軌于雲間八友首推張顧忠雅堂文集

卷十一

檄文一

十一

三賢尤重蘇胡劉禕之譽擅北門孫仲益文傳中禁或稱兩益居士或稱三惜先生或對客以揮毫或閉門而覓句劉夢得旣獨探驪珠葛文康亦世擣風藻許丁卯臨橋抱膝水淨花明卞華伯載筆退朝風馳雨驟范文正獨品重儒林米南宮實芳流藝苑下至騷壇後傑高陽還並張徐至于文陣雄師王唐足該瞿薛陶菴臥子各自名家維斗君常並稱哲匠王弇洲聲齊鱗鳳共馳譽乎中原歸太僕力繼韓歐獨起衰于末俗凡斯邦彥足麗文明挹先輩之菁華占世風之升降由前朝下迄昭代宗功繼起類能歌詠太平引後進上溯古人私淑



相期誠當潤色鴻業本司中州末學北地麤才被梁苑  
流風歎願學而未能里仁爲美陟吹臺舊蹟慨前賢之  
不作吾誰與歸徒存望道心堅不幸下帷功淺龍賓管  
穎悵交好之靡終案雪臆螢笑棄捐之何急四十年迴  
翔仕宦值退公息偃常思與古爲徒百千里轉徙舟車  
當臨水登山不禁望洋而嘆每聽旗亭舊曲勞人掩耳  
那堪重唱渭城何期繡譜新機巧匠虛懷猶自不遺花  
樣兩度簷風幔燭悔將少作之流傳幾番夜雨帷燈樂  
引新知而商摧曩者策燕臺捷足曾窺冀北之羣訪嶽  
麓良工竊品荆南之璧植豫章于桑梓廬陵居士忝稱  
鄴下風流采滇玉于牂牁梁益諸生謬許汝南月旦問  
佳士于東西南朔擷四方之秀用徵 聖世菁莪賞鴻  
篇於濃淡清奇締一日之知敢樹私門桃李茲復藩封  
備職附价人屏翰大江以南能無賁止觀文期多士軼  
駕前徽而上矧徽省是名儒之宅咏江山文藻王守溪  
硯雲書帶想像簷花崑崗爲大璞所藏毓川瀆精華韓  
宗伯玉屑珠光飛揚梁月爰倣輶軒採風之典藉聽琳  
球鳴世之音體備諸題才徵八郡汰泥沙于向若敢曰  
知津作礪石于他山尙能攻玉人敦正學自守中聲士  
植真才尙祛僞體闡聖賢之精蘊切戒浮靡發道義于

微詞尤芟詭僻傾羣言之液以出方能卓爾可傳約六  
經之旨而成自必斐然有物植榦于清真雅正選材于  
典茂裔皇夫榮世與壽世之文樹義要皆不苟而學人  
與才人之作明道大抵畧同時賢何獨不然先正類皆  
如此苟襲陳沿濁縱互矜工麗其如言不由衷若逐異  
尋虛雖自負超微畢竟庸而滋妄譬諸蒙塵叩缶難逃  
瞽氏之譏飭腐調羹莫下郇家之箸剽竊是經生大忌  
荒唐蕪穢無非西抹東塗雕鏤實大雅所嗤金粉濃纖  
未免朝榮夕萎勢利不牽于念旨趣而後有歸惟麗必  
貴乎清不醇何以能肆在學士師承有法用功深而收  
忠雅堂文集

卷十一

徵文三

五

名遠自能造詣精微倘俗儒講貫不明取裁闕而致力  
疎終必沈淪駁襍若夫風騷推激元音之雅俗當嚴宗  
派流傳散體之正邪宜辨必能垂之金石始足播于廣  
揚苟襲貌而遺情是還珠而買匱以故漢文唐句效衣  
冠啼笑曾何裨于辭章厯下竟陵爭門戶籬籬俱無當  
于風雅步亦步趨亦趨乃知大謬不然誦其詩讀其書  
蓋亦難言之矣惟冀凝思渺慮體物緣情考辭就班選  
義按部極經營于慘淡函綿渺于芳腴竭爾寸心供予  
盈掬本司列燭于簿書帷裏含毫俯仰何妨登老子之  
床添衣于銀箭聲中擁鼻咿哦尙可作洛生之咏苟其

才情飄逸何殊覩白下旌旂若夫音響鏗鏘不啻聽淮  
南鼙鼓遙想竹西歌吹宮商隱在卷中縱觀京口波濤  
風水疑生掌上擲筆于橫雲山外依稀矯鶴盤霄浩歌  
于戲馬臺前彷彿黃樓吹笛近挹雲巖之翠居然淺淡  
呈姿前塞晝畫之芳或者紆迴盡致蓋見獵心喜老猶  
樂此不疲而好古情殷自覺功難遽已迴憶從前甘苦  
文章經世與諸君正可相資耽嗜各異酸鹹體用匡時  
于前輩不知何若山輝川媚斯文不在茲乎聲應氣求  
後生其可畏也將見慶超驤于觀國薪樵械撲靈修覘  
實學之崇賦鳴鹿于賓興酒醴笙簧炳蔚見作人之盛

忠雅堂文集

卷十一

檄文四

五

矣

喻嘉言先生改葬告詞

嗚呼先生學足以達三才智足以周萬物躬丁末造蜚聲傳鄉貢之文運際興朝祝髮却徵車之聘爰放情于江海甘取逸于邱樊豈同樵者在山不媿達人養素吳門變姓鴟夷子卽陶朱茂苑懸壺秦越人原扁鵲合誠神幾乃爲聖通天地人之謂醫得極者各遂其生飲藥者皆神其術名高和緩何辭居伯仲之間世統軒岐不當在弟子之列寓我意而行舊法論尙友而師古人示生死之平反本蕭曹之法律書成不朽數盡則仙金身入彌勒之龕含貞體固素旒壓彭蠡之浪藏壑舟完忠雅堂文集

卷十一

告詞

三

旣歸常熟遺骸暫寄靖安蕭寺盜環者斃請禱者生旣而移祀會城栖神淨域寺名百福靈庇千人昔逢飢疫之年尤感痼癘之切鬚燃夜月如聞歎息之聲手畫爐灰遂活衆生之命嗚呼仁人不死此心耿耿于蒼黎大德好生其力昭昭于化育曩者聚徒卜葬瘞公于孺子墳邊累土成坵樹表在純陽觀側雖藏身之固豈有憾于烏鳶而相塚之疎恐轉親乎螻蟻骨肉復歸于土坎深或及于泉神仙固委其形蟬蛻當存其宅某昔萌改葬之志曾輸負土之誠忽忽十年硜硜此念但荒郊渺渺翁仲無靈廣野茫茫山川不語心傷一誤奚堪錯鑄

十州目斷九原竊比丹成八轉但神燈貯漆佳城留待  
沈彬芳草眠牛美穴原歸陶侃公靈不泯自知一定之  
區愚意無憑莫辨四方之向伏乞顯提撕于夢寐切指  
示其方隅周益公三斗珍珠勿施隱語徐夫人一林柏  
樹可應天譏惟著則明旣安且吉清明改火便堪舍舊  
以圖新紫柏招魂應許長歌而當哭從此墓門草長盡  
變靈著碣畔芝生都成上葯嗟乎人之葬聖同茲北面  
之心公鑒其忱乞賜南車之指惟期無隱幸宥不文謹  
告

重建臥雲詩史馮夫人晉所告詞

嗚呼憶丙子而得萍逢喜結文章之雁序閱辛巳而傳  
凶耗驚看嶺海之魚書招魂魄魄于梅花白雲長臥響珮  
環于烟霧紅鶴難歸誦其詩以痛其人顧我母而爲爾  
母維時三雛待哺賴駱氏之女兄一鳳分巢寄馮家之  
弱息而姊夫駱儀仙秀才者牢盆再破一病先亡鹽筴  
萬緡百身莫贖兼以孤孀十口爨桂炊珠新舊五棺愁  
鳶畏蟻翔天少翼憑何術以脫窮羈避債無臺託遠音  
而呼將伯僕條冰宦薄索米維艱涸轍魚枯挽江難潤  
終宵不寐借箸無方重擔遙承釋肩奚忍慮竭而更籌  
思雅堂文集 卷十一 告詞三 天  
盡矣思窮忽神鬼通之乃剪燭以披衣急飛書而草檄  
十七帖淋漓苦語傳聲嶺外仙官千萬言悽惻深衷求  
拯海南菩薩條其措置綱舉目張布我精誠天荒地老  
豈謂投鍼起疾如郵石室之丹飛矢解圍似獻聊城之  
策無何南船北返傷君之旅櫬仍寄洪州女嫁男婚喜  
汝之才媛新爲命婦仙郎得耦官漸陟于崇階公子成  
人文亦通乎妙譽僕廿年相別氣誼豈判于存亡十載  
來歸感歎交縈于生死梨花寒食弔他荒塚纍纍絮酒  
清明訪爾攢宮寂寂榱崩瓦解慟暴露之如斯雨打風  
吹恨淹留之胡底虛說朱家任俠黃金僅買土坯雖憑

謝丈關心赤手難營石柳嬌女纔飛蜀魄望夫已化青  
山侍郎遠督川師籌餉尙羈雪嶺秋墳鬼唱可憐于意  
云何斷碣狐眠難道干卿甚事嗟乎生依異姓那堪久  
旅亡家歿寄他鄉畢竟首邱何地 在仙人謫滿精靈久  
返蓬山豈蟬蛻形留神氣猶牽腐骨君雖作達棄舊舍  
而如遺僕忍忘情念故人之我殯爰訊吉日乃集考工  
飯臂從新聖塗都具旣先加其髹漆斯遞築其堂房戒  
魃鼠之潛穿許螢燈其長照垣墉週拱已成夏屋崇封  
碑碣親題敢並周書汲冢從此邱陵鞏固神物護持壑  
中暫錮虛舟柳下毋煩厲禁佇待子登朝右當返葬于  
忠雅堂文集

卷十一

告詞四

五

山陰還期壻撫巖疆竟持幢于江右則素車丹旆千夫  
唱薤露之詞霞帔星冠一笑啓流光之口車過腹痛言  
不成章草長鶯啼酒皆翻泪謹告

山陰還期壻撫巖疆竟持幢于江右則素車丹旆千夫  
唱薤露之詞霞帔星冠一笑啓流光之口車過腹痛言  
不成章草長鶯啼酒皆翻泪謹告

代江西士子謝加科牒文

切惟華胥誕聖于蒼精六佐贊同文之治握哀表祚于  
巨跡六官占觀國之光兆叶星槎任五鳩而利用圖呈  
河首命四岳以賓興慶篤姜嫄田祖肇樹人之迹眷承  
東翟湯孫衍交泰之恆瑞啓樞精符徵文盛靈鍾石紐  
象應雲從蓋神道知事地之方故人倫識尊親之大寢  
門薦祉欣逢壽考作人長信開顏益見王多吉士祝九  
如于

聖母棘闈聞天保之歌進多士于熙朝壽域式嘉賓之  
燕尊之至也養之至也本博厚高明而悠久自古皆然

忠雅堂文集

卷十一

牒文一  
三

元首起哉股肱喜哉大協和於變以時雍於斯爲盛欽  
惟

皇太后尊開積慶德合無疆徽號極域中之尊光施四  
表至仁爲天下之母範率六宮資身由坤順以成十三  
年內治柔雍贊治著包媧之淑誕 聖協慈寧而吉千  
萬國大和翔洽含章仰文母之慈固己鳳閣含飴錫嘏  
載賡多祉璇宮問政樂育屢賀得人欽惟我 皇上恩  
純錫類明達闕門問請深宮大孝極九州之尊富求賢  
側席中天備一統之車書 皇仁合聖敬以覃敷瞻依  
不匱 文德偕武功而並懋俊傑無遺雲霞籠金甌之



靈萱五福祥開于罔極鷓鷯集玉階之仙莢羣工喜動  
于難名當茲寶籙之豐年恭逢

聖母之仁壽陽生葭管一時鍾呂都諧日麗春輝五色  
蓬萊俱煥傾堯樽而上壽展禮南宮奏舜樂以承  
歡奉觴北極仙桃春色映袞黼于九重瑞雪晶光照共  
球于萬里籌已六添于海屋值年週花甲慈顏永樂  
其遐齡恩方四達于家邦計運際天申巽命預施于先  
歲開萬壽之科而法

祖纘鴻圖而麟鳳重騰邁六旬之慶以掄才紀鶴算而  
鵬鵬全化敘彝倫于宮禁普文教于寰區廣一人

忠雅堂文集

卷十一

牋文二

三

之孝思增萬邦之選舉黃裳蘊文明而吉聿占地道之  
光潛麟際利見以亨推本母儀之化是王國克生多  
士斯中達用及武夫惟坤德載物以成故天心因材而  
篤維茲盛典期以來年四時行文武兩闡一歲訖春秋  
二試榜分甲乙科統壬申兔置偕鴻漸以同升鳳翽與  
鷹揚以俱奮鄉薦遠行直省同在仲春賢書近獻邦畿  
恰當三月歡騰中國慶溢西江大澤之鯁故凡鱗私幸  
滄溟跋浪深山之樟雖弱植竊思白日翻風瑣院聞鶯  
迴異蟲吟宵砌龍門望杏猶疑桂點春衫燭炳三條花  
攢壽字日懸五色華換秋暉旣移踏月之梯用展搏風

之翹榜開薇省諸生竟坐槐陰筵列仙簧鳴鹿忽來桃  
岸乃繡虎雕龍之士射策方奇而燕頤猿臂之夫彎弧  
已集芳塵鳴鏑聲響答花翎綠野盤刀柳絮暗隨驄  
馬于是梗楠杞梓爭貢上林牝牡驪黃交馳靈囿銀蟾  
霜淺新題淡墨之巖金粟香濃大啟曲江之宴馬蹄得  
意長安轉看秋花鴈塔書名霄漢真排鴻字司徒司馬  
共獻嘉謨猛士詩人咸膺上選分蓮燈于翰苑同年漆  
宿衛之官呵雪硯于梁園並轡侍長楊之獵春華秋實  
應誇盛代材多豹變鸞鷟斯見皇家網密暖浪溢瑤池  
而出藝林聯祝嘏之詞羣仙泛瀛海而來蕊榜附長生

忠雅堂文集

卷十一

廉文三

三

之籍某等豫章下士草澤小臣或扳花而迹阻雲衢或  
折桂而路迷蟾窟或青衫勒帛魚尾難燒或皓首窮經  
鯉頤多曝生值右文之盛躬逢連茹之榮何意守章句  
之小儒仰荷舉賢才之大典戴高履厚遙沾太液之波  
食德飲和切效華封之祝况星分翼軫珠聯奎壁文芒  
而墟近龍光劍合斗牛佳氣挹彭蠡之九派測海何能  
仰廬阜之千尋呼嵩自切稽首讀鳳銜之詔欣瞻異數  
于明良介眉慶燕喜之詩倍激微忱之忠孝此皆

皇太后慈祥著慶溥虹流電繞之麻我 皇上俊乂旁  
求大風動雲飛之會有馮有翼有孝有德復其見天地

之心爲舟爲楫爲鹽爲梅泰以交上下之志萃虎賁冠  
裳之彥共矢葵衷合詩書介冑之臣同趨松牖載筆想  
北辰東觀歡呼觀日月之光橫經對南浦西山感激抱  
雲霄之望蓋十三郡謳歌愛載無非慕達孝于尊親而  
億萬年福壽康寧正可徵永言于配命矣所有感激微  
忱伏乞賜文申詳大憲恭懇代爲轉奏

忠雅堂文集

卷十一

牒文三

三

告老樹文

嘉樹在庭無忘封植良材得地當受栽培故繁枝廣蔭  
不宜加以斧斤豐草長林正可滋其掩覆惟爾老樹栖  
我荒園植自何年種于誰手等青松之千尺豈惡竹之  
萬竿宅更數主而長存身歷四時而不改體貞斯壽物  
久必靈中能有容則蛇蟲或來栖託神其不爽則風雨  
爲之式憑當其奠我新居或欲戕伊生理特排衆議用  
保喬柯旣非當戶之芝蘭不等牽衣之荆棘盡我性以  
盡物性相安于無事之天全爾生以樂衆生各葆其不  
凋之命從此清陰永茂吉翠日新毋作妖以驚擾家人  
忠雅堂文集

卷十一

樹文一  
壽

毋藪惡以包藏怪物我無爾害爾無我虞我以爾爲嘉  
賓敬主者敢輕其使爾以吾爲賢主愛屋者當及其烏  
或孺稚嬉遊于旁或童婢褻污其下在空洞十圍之腹  
定用包含使寬闊一畝之宮長資樾蔭固所願也不亦  
宜乎

看得詹王氏者生自蓬門歸于寒族詩書未習丹心賦  
自秉彝冰蘖力持介節成于本性十有五齡而出闈歷  
奇苦而若甘三十一歲而沈江濯清漣而自潔狂夫心  
喪欲棄耦以分飛烈婦志堅獨守身而不洩三雛已鬻  
其二泪海風酸七月之朔越三河流秋冷屍衣密紉泪  
凝針線之痕塚樹長春恨結泉臺之草旣芳徽爲共信  
復輿論之僉同例得題旌理宜表著幽魂不瞑洵無  
忝于綱常大節能完實可維于風化

忠雅堂文集

卷十一

看語

三

忠雅堂文集卷十二

鉛山 蔣士銓 心餘

書

上陳太僕勾山先生書

竊某褻牖迂生鷺湖下土捧過鯉庭中之袂廿載聞詩  
誦歸舟圖內之詞五年藏篋望雲衢而企慕小子踟躕  
念卿月之迴翔先生辛苦傳經禁闈兼操三館丹鉛待  
漏宮端飽受五更風雪幾載松楸入夢陳情邀 上命  
之俞一時簪佩臨歧祖帳想東都之盛攜琴載鶴深藏  
官長氷銜弄月吟風仍棹詩翁畫舫深蒙 主眷敢言  
忠雅堂文集

卷十二

書一

達者之歸田遠慰臣心更 敕舍人而佐郡篷背濕吳  
山之翠不同銷認杭州耳邊來越女之歌真喜身還梓  
里堂開畫錦巷比鳴珂達官羣奉其頭銜外吏共投其  
手版士爭典謁幸復親師道之尊地忽光華共笑指文  
星之近鹿門上塚依然孺子之心鳳昏焚黃此是上卿  
之孝偶過僧寺紗籠自和詩題再到湖亭襟袂重添酒  
暈放六橋之櫂驚看蘇軾何來飲五柳之居遮莫陶潛  
誤認何處追尋者舊醉曳宮袍今年暫作神仙戲留玉  
珮但平生蕭瑟自憐陽羨無田况舊宅荒蕪空說潁州  
最樂戀 厚恩而赴闕行敢夷猶等初服以安居談何

容易借籌去任人共低徊屈指程期公當悵惘某六載  
飄零一身貧病小人有母甘旨不充故里無家田園  
託愧腐儒之謀食做學究之治生留連越國江山管領  
鑑湖風月誦經採蕺慰季女之朝飢把酒論文露狂奴  
之故態此座是明公几席貂續真慚其人多長者門墻  
衣傳故在述大賢教澤餘馨留一瓣香中景前輩風流  
逸韻在十圍紗外公非賀監可重尋鏡水前遊古有右  
軍應再寫蘭亭真本某瞻依雖切趨謁尙愆恐于觸熱  
之嫌兼抱採薪之疾一江似帶三伏如蒸乞寬侍側之  
期敢布由哀之語

覆山左李大中丞清時書

維公盛代夔龍熙朝柱石文章留左掖世欽華國鴻圖  
道德繼延平人仰傳家正學奠河防而陳璧馬績懋司  
空倚泰岱而樹油幢威宣幕府溥教思于東郡手培魯  
國諸生馳幣聘于南都心念通門子弟某西瀛學步見  
花開蓬島每企前賢東觀簪蒙聽遠上黃河傳鈔絕唱  
記拜畫叉遠惠曾頒月俸之金錢遂鐫心版私銘莫報  
風人之瓊玖壯而嬰疾逐退鷁以隨風倦乃投林效窮  
鳥而繞樹僑居却掃弔南朝金粉無可關情就食養親  
領東越人文敢云敷教戴山是劉念臺正人之社後生

忠雅堂文集

卷十二

書三三

愧擁皋比會稽乃王陽明講學之區豎子謬憑經席生  
徒百輩朝夕依依流寓兩年行藏落落着我圖書雞犬  
在江湖海氣之間攜將母子妻孥到禹穴蘭亭而止忽  
奉大人先生之召遂興泰山北斗之懷豈厭故而喜新  
實久靜而思動况執經開府可長揖于君侯而侍坐春  
風得取材于長者猶憶壬申下第從金先生視學周遊  
因而癸酉居東與沈光祿銜杯快論大明湖上酒澆亭  
榭荷香四照樓中衣染鵲華秋色錦屏山摺龍洞淙淙  
趵突泉飛雲濤滾滾池內養百頭鱗鱉有西郊隱者之  
園階前迸兩甕珍珠在碧落侍郎之署凡此舊遊之歷



歷皆關隱念之怛怛爰草劄以辭兩浙中丞遂束書而別山陰弟子不料闈堂鼓譟長跪兩階伏地號咷同聲一哭謂先生若去誓以死爭倘來使強邀便同仇敵愾其泣矣是何言與某雖存不忍之心已決必行之志我則佯爲許可彼乃窺見本懷羣奔兩邑之庭雙挽二侯之駕曰郡無太守公須一行人奪經師我寧兩立縣令乃飛輿蒞止廣文亦馳馬來臨跪拜一堂但增踧踖啼嗑滿耳只益徬徨自顧何人真成恠事有司等入夜方歸燕寢諸生輩侵晨又集琴堂訓士者本未臨民留行者竟同臥轍聯名書牘求令尹代籲轅門慝惻陳辭乞

撫軍堅留學究長吏遂適驅以告中丞卽具覆而來但深愧其無端究不解斯何故故由此地人情之厚不厭迂酸反諸吾身學術之疎何堪維繫然而素絲可組不能羈逸騎之心紅豆雖香未足轉翔禽之志無已暫爲纒縈因之小作淹留卒歲可期方春不遠擬于人日之前奉母言歸白下約在燈辰以後攜家可別江東非有眷于妻兒實終鮮于兄弟是以老親獨子不能一日相離未知學舍經帷可許全家共處述半世飄零之苦先生當亦愀然爲一時去就之情太上亦難忘爾從此隨行隅坐慰十年北面之懷敢云習禮敦詩忝一日東人

之長謹登善弊愧拜隆儀敬覆楫函仰祈鈞鑒

忠雅堂文集

卷十二

書五

覆會稽王太守書

溯洄久切瞻企無由敬惟閣下望崇藝苑名列 御屏  
賢聲懋著于南都文譽久蜚于上國名流出守仙官合  
住蓬山儒者臨民老手真宜劇郡某浮沈館閣四十無  
聞轉徙江湖扁舟不繫奉親尋樂偶停筇步之舟養疾  
閑居遂採攝山之葯近挹棠陰遺愛六人尙說神君每  
逢仙吏清談羣彥咸推將伯某慕蘭亭勝蹟未獲從遊  
景內史風流方思買權乃荷瑤函下賁聘幣遙頒誦君  
子之詞心儀如玉應經師之召顏厚他山矧接前賢芳  
躅恐爲弩末貽譏幸登大雅之堂可冀公餘承教餘容  
忠雅堂文集

卷十二

書六  
六

面陳弗備

丁丑春秋同門公宴啓

共治麟經幸偕雁譜占來簪盍固分溯其支流守我師  
承當各親其派別絳帷雙設譬花舒兩萼原是同枝白  
雪齊歌雖音吐殊宮却非異曲事則以文會友象爲同  
人于門而况星符廿八尾方退舍而井卽移躔因而卦  
衍十三離取重明而夫徵合契夫飲食宴樂君子毋辭  
而風虎雲龍古人最重交稱投分義取斷金共醖朱提  
用沽綠釀擬弟兄之交酌紅牋傳寫何殊牒注金蘭做  
賓主之五酬白墮同傾竊比盟開盤敦日後東西南北  
定深離索之情尊前縞紵壘篔宜篤飲醇之誼謹啓

忠雅堂文集

卷十二

書七

風雲龍古人最重交稱投分義取斷金共醖朱提  
賓主之五酬白墮同傾竊比盟開盤敦日後東西南北  
定深離索之情尊前縞紵壘篔宜篤飲醇之誼謹啓

雜著

杭州崇文書院訓士七則

教與學之陋習

書院爲講習之地所以講明聖賢身心之學致君澤民之道爲國家培養人才今日通儒卽異日名宦所以師與弟性情則脈脈相通德業則孳孳相長藏修游息砥礪觀摩是何如氣象也近日書院先生多因貧而館聊且相安生徒什伯或見或不見不能識認除課卷評點之外一無訓勉師旣無道學相關之心弟各負揣摩自熟之見聞先達之語皆似已知己能守共習之文自矜忠雅堂文集 卷十二 雜著一 八

百發百中不知傲爲凶德滿是損機譽之則頌以公明規之則謗爲盲瞽甚至投以修脯遂欣有德于冬烘餽以豚蹄便覺無慚于翹楚先生存不好意思之心弟子操不在文章之柄相蒙相市卑陋齷齪與菜傭牛僮持錢買物反眼却不相識者誠何以異而且傳遞錄舊百計相誑視會課如當差重膏火如射利凡不肖之所長皆君子之所鄙此天下書院之陋習也惟望我同學奮志純修無蹈此轍勿以市井待師長勿以庸愚待己身則志氣清明德器日重庶幾不愧士之爲士而先生于掌教二字可無汗顏也若不知爲學之本專工文字是

自等于匠藝之賤不過求其技術之可給人而獲利也  
嗚呼可乎哉

### 立志

志以帥氣志以宰身志之不立浮沈窮達一蠢然頑物  
耳富貴終身草木同腐凡負天地負朝廷負祖宗者皆  
無志之人也志何以立堯舜之道孝弟而已矣聖賢可  
志也夫子之道忠恕而已矣君子可志也下此治國平  
天下之學與夫兵刑錢穀水利河渠象緯算數之學性  
之所近則專心致志以講貫而討究之他日見用于世  
庶幾一長之可效不然官職遷移曹然木偶奸胥猾役  
忠雅堂文集 卷十二 雜著二九

### 洗心

心地光明則智慧日生見識日遠胸中既無猥瑣之存  
筆下自有高超之象心如鏡也不洗則昏顧洗之道  
安在讀經以正其志趨閔史以發其醒悟知順逆吉凶  
之理則有所忌憚明禍福得失之機則淡其營求義命  
自安俗見自破君子無入而不自得焉此洗心之功也

利令智昏小人所以常戚戚歟

道學之辨

入則孝出則弟無損人以益己毋樂禍以幸灾吝落瀟  
洒率真本色必信必誠不必講道學乃是真道學也子  
夏曰大德不踰閑小德出入可也小而曰德則非不德  
之事可以出入也苟高視濶步侈談宋人語錄厚貌深  
情色莊欺物跡其所爲下同廝養此詭計其術極枯其  
身之小人也古之美道學者曰坐于春風曰光風霽月  
藹然可親是何氣象豈聳肩益背神頭鬼面之態度乎  
學者思之

忠雅堂文集

卷十二

雜著三十

擇交之法

視所以觀所由察所安此法頗費歲月其最捷者莫如  
君子喻于義小人喻于利乾餼啓其爭簞豆見于色金  
弊之贈貨賄之加笑貌聲音和盤託出矣小人而好義  
者容或有之未有君子而好利者也見利而欣欣談利  
而津津其人可知矣交遊遠之可耳

毋存菲薄萬物之見

人各有能有不能事各有幸有不幸局外之談未必皆  
確事後之論無乃太苛履之而後知及之而後難君子  
居是邦不非其大夫長者之待人隱惡而揚善不惟存

厚道以養福抑且戒輕狂而遠禍苟喜談樂道附影吠  
聲悲同志之無人慨世風之不古以尸位毀達官貴人  
以素餐譏公祖父母一存此見便萌禍機益成括之小  
有才可不凜以爲戒乎

當存萬物一體之心

民吾胞物吾與雖老生之腐談實真儒之至性因自私  
之見固結于中斯不忍之心枯亡于內三黨九族之親  
隣里鄉黨之誼苟有顛危理應扶救富者布惠本不難  
貧士盡心亦當勉凡鄙陋之徒輒謂博濟非堯舜所能  
庸陋之夫動云自固是老莊所守今日見孺子入井惻  
忠雅堂文集 卷十二  
雜著四  
隱不生他時聽小民呼天癡聾更甚天地何必生此頑  
軀國家何賴有此司牧故讀書涵養之下當時時存仁  
愛之心在在思絜矩之道



揭叢山講堂壁

竭忠盡孝謂之人治國經邦謂之學安危定變謂之才  
經天緯地謂之文海涵地負謂之量嶽峙淵渟謂之器  
光風霽月謂之度先覺四照謂之識萬物一體謂之仁  
急難赴義謂之勇遺榮遠利謂之廉鏡空水止謂之靜  
槁木死灰謂之定美意良法謂之功媿聖追賢謂之名  
安於習俗謂之無志溺于富貴謂之無恥

忠雅堂文集

卷十二

雜著五  
十一

又發管仲之無志衛于富貴謂之無恥

蘇本委風謂之安美意良法謂之功媿聖追賢謂之名

急難赴義謂之勇遺榮遠利謂之廉鏡空水止謂之靜

槁木死灰謂之定美意良法謂之功媿聖追賢謂之名

安於習俗謂之無志溺于富貴謂之無恥

竭忠盡孝謂之人治國經邦謂之學安危定變謂之才

揭示劉小邨小谷書室

讀經傳則根柢厚看史鑑則議論偉觀雲物則眼界寬  
去嗜慾則胸懷淨山林之身卽廊廟之器心志要苦意  
趣要樂氣量要宏言動要謹窮達聽之于天擔荷操之  
于已

忠雅堂文集

卷十二

雜著六

十三

千

應要樂處最要志言慎要勤謹致謹之于天觀高對之  
其和愨即觀對會山林之長鳴孤廟之器心志要苦意  
趣要樂氣量要宏言動要謹窮達聽之于天擔荷操之  
于已

南昌志局約言

代

令不敏承乏茲土夙夜在公固不敢竊比古人而清慎勤三字服膺有年不敢不勉今復開館纂輯志乘集賢者于一堂不佞學殖久荒簿書餘暇得與諸君子周旋考訂誠厚幸焉特是本邑志書廢墜百有餘歲雖簡編湮滅舊本難求而文獻足徵新編可訂不佞職司民社人文版籍當有成書創修幸有成議兼得都人士黽勉同心贊勳恐後雖事關桑梓義不可辭而此都古道淳風于焉備見使不一心一德至正至公何以報輿情而光鉅典不佞誓秉虛公殫心綜核今特與同人約諸君

忠雅堂文集

卷十二

雜著七  
志

子雅擅三長博淹四庫指日備職史官簪毫朶殿固可接武董南希蹤班馬高文典册可預信焉今者共費油素小試編摩凡昭隱發潛彰善癉惡務使筆削可質鬼神論斷無慚衾影聞人之過固不能無疑聞人之善亦難爲遽信是望和衷協一持大體而不阿守無欺而自謙侃然以風化綱常爲念防微杜漸成始要終庶公心若石直筆如山旣立懦以廉頑亦信今而傳後不佞素性捐介罔有模稜故不揣慙愚過存遠慮亦知理所必無然恐事之或有萬一瞻顧徘徊握魚目以作珠採砒砒而稱玉或碍于戚好姑與包藏或利彼錢刀聊爲粉

飾致令是非顛倒上抱恨于古人下貽譏于來者不特  
多言可畏隱德難虧而置腹推心何以報不佞及都人  
士也地輿及設官出治所基人物尤世道人心之鑒彼  
忠臣義士史書于其人已有定論者不必別加褒貶以  
供快談而節孝一門尤爲全書扼要苟且濫列旣得罪  
于名教若猜疑預橫于胸是先存不欲成人之美意見  
微論君子不爲實足傷吾儒忠厚惟有嚴密審慎以求  
不愧幽顯而已事迹有大小輕重不同治亂由來自當  
備載見聞不合亦可存疑但勿增刪附會杜撰支離耳  
至藝文首重關係所謂詞尙體要也言能傳事不必盡  
忠雅堂文集

卷十二

雜著八  
五

工人足重文何防偶拙不然風雲月露麗則高華只堪  
自賞何取于斯耶若夫同館文章質証觀摩損益他山  
望助學問之道誠有油然而諸公謙謙君子直諒多聞皆  
所樂友自能吟哢不存物我無間又不待不佞致意焉  
至于借下帷而稍輟應酬謝紛囂而得專探討窺園豈  
必待夫三年閉戶或不嫌于終日此又習靜之儒所甚  
願而難得者敬能執事勤可望成不素餐兮不佞將與  
諸賢共勉也

官戒詩二十四首贈陶韋庵同年淑宰廣靈

親百姓

百里之民視爾如親爾或疎之民隱曷以陳匪惟疎之  
又自崇其身爾身從田間來曷貴于民天子命爾官  
此蓋畀以父母匪臨以鬼神不聞父母挾其奴僕威其  
子孫奈何草芥賤之而責其不淳虐我則讐民亦可畏  
哉吁嗟乎官人

入田里

山中茅茨道旁桑麻父老襤褸婦女髻縣官與汝爲一  
家奈何避之如蝮蛇我誠欲看官畏官多爪牙牙爪退

忠雅堂文集

卷十二

雜著九

十六

後官下車嘗我土銜羹飲我瓦盆茶聚我父老及婦女  
豆棚襍坐無攔遮念我勞苦教之孝弟官言質樸不浮  
華傾耳一聽一咨嗟顧盼相戒毋匪邪再聞官來笑聲  
譁鄉人愛官比娘爺

圖村落

命官知縣事責爾無不知道路如畫鄙村落如布碁傳  
牌按籍行保甲試舉問官官目迷地圖大概苦糾結不  
如一村一圖分繪之街衢廬井田疇民數如列眉張之  
素壁且熟視宛然日就田間嬉東西南北指諸掌險阻  
道路誰得欺古人讀書左圖右史互考証疆域不辨慚

職司千錢萬錢購名畫挂向官齋何以爲

察隸役

無以利其身胡見役于人苟能安于貧胡自異于民見官如鼠見民如虎其聲豺狼其言糞土譎詐百變少喜多怒彼有衣食不知疾苦彼有肌膚不畏箠楚橫行鄉里莫敢侮索錢逼迫鬻子女捕役養賊爲賊主閭閻被盜怕官捕民駭雷霆作衙鼓官猶曹曹樂歌舞嗚呼吾聞古人立木可爲吏放囚歸家尅期至莫歎今民不如古願官懲役勿爲厲

聽獄訟

忠雅堂文集

卷十二

雜著十七

庭階草青青民乃訟于此數尺之地何異千里人藏其情官用其聽視匪鑑之明匪水之清匪權衡之平一念可否或鞭或撻或死或生鞭之撻之死之生之誰復得爭觀者受者但吞聲官如眩之鬼神鑒之民如怨之天地厭之

慎疑信

理之所無毋遽曰無之事之所有毋遽曰有之慮有弗決胡弗用其信智有不及胡弗用其疑過疑則亂過信則舛平心而審察之思其過半名法之家能守其律豈盡得其情準情合律恃官之聰明聰明誤用不如法律

之家疑耶信耶官其慎耶

戒閹人

官民至親有門限之一夫當關民不得窺使非其人官處于危奴罔厥利亦竊厥威一輩一笑錢刀隨官曰我廉民曰爾貪中有饞夫饜且甘閹如喉舌官則如心環此心者臟腑伏其陰喉舌饜餐臟腑乃浸淫惟心受病日以深官苟無私重門可開奴司啓閉耳何取其有才閹乎閹乎安得司馬君實僕目不識字心無欲

偵獄卒

圓扉棘牆所以禁囚國有常法卒肆毒于幽栲掠榜篋忠雅堂文集 卷十二 雜著一 六 怒罵弗休吁嗟于卒何冤仇衆囚敲赫視卒爲喜憂飢不與食倦不與寢污穢不與掃治疾痛不與呻吟悲哀不與哭泣而錢刀是求不見囚之爺娘與妻子見卒瞻落卒如鬼五刑之屬有所止叩頭卒前求速死

禁縱博

貧者縱博久則化爲盜富家縱博漸且至于淫民氣日壞盡根此曠時廢業蠱毒深微行密捕誓與變薄俗法能斷絕官苦心不見塵市博筭呼盧禁已厲衙齋日坐攤錢戲民間游惰尙可懲官衙博徒何以制

懲姦慝

稂莠不剪弗植嘉禾殺一警百其生實多婦人之仁奈  
官何蝕民之蠹必與誅速訟之雀必與羅雨露不以荆  
棘而示恩斧柯在手當盡刈其根殺人媚上身必滅殺  
人利民功自存一國之人皆曰可殺乃殺之母以殺戮  
爲不慈

正風俗

民勞則善心生忘善則惡心生風俗不正教化何以行  
民有廉恥待官激揚之民有怕邪待官懲創之子女相  
淫父母則引愧弗勝民蕩其心官弗知所矜或同官而  
轉相告也或爭述而更相笑也爲民父母當民之無良  
忠雅堂文集 卷十二 雜著二十九

抑華靡

欲民富足在抑華靡示以規矩辨以等威不率教者刑  
罰與隨淡泊明志以身先之夫子不正何以教爲

教儲蓄

教儲蓄備凶荒崇節儉謹蓋藏老生能談之官曰不遑  
官豈不遑大抵無其方因民度地謀小康五方風土各  
有常熟思審處官勿忘

崇文教

士氣不振民氣則靡礪其風節養其廉恥閑之以法待



之以禮以文會之以意媿之鼓舞而激厲之春氣盛而秋氣退而民曰吾之慈母也士曰吾之經師

### 辨興革

利則興之安知所興非利也弊則革之安知所革有甚于弊也利既興也其弊亦得而乘也弊既懲也射無弊之利者其弊亦得而增也利多于弊其弊不可懲也弊多于利其利不可興也苟狃其始當念其成也否則毋輕用其更也

### 審利害

苟利吾民勿計害于身苟害其民何有利于身建官者忠雅堂文  
卷十二  
雜著十三  
三  
凡以爲民牧民者豈僅養其身以身殉民身或不至于殉耶以民殉身其民烏得而殉也與其使民嗷我也毋寧使民哭我耶居安思危審之審之

### 事上官

職在則然貴安其卑禮在則然寧等語之爲我心有差等兮弗愆其儀事關民生是其所是非其所非苟爲不然僅可默勵其操而弗移錚錚佼佼毋使人知人或及知爾身則危橫逆可順受也而未可與持徵求當禮受也而未可厚施彼哉豚魚尙可以中孚格之而况上官亦民之有司不誠不信吾知爾殆而不廉不謹吾見爾

殆而

處僚友

君子無多何必盡我交君子雖多何必皆我僚我與君子厚何必無小人之友君子福我我本坦然而就小人禍我我寧曹然而受不惡而嚴不靳靳而招嫌介然而謙岸然而恬不勝于彼弗輕用其銛毋逸于我我姑用其潛和而不同湟而不淄內清外和夷惠是師

待賓從

敬爾之賓必有禮以將之惠爾之僕必有法以防之其敬維何使吾賓無內顧之憂其惠維何使吾僕無不足之求禮足以服人敬之乃益善也惠足以使人防之又何怨也不知其人而事之使之皆陷也爾何以有知人之鑑也

省倉廩

錢滿官奴囊米到卽上倉鄉人錢空乏糧來不收納倉門坐守腹中飢官米滿擔不敢易粥糜交糧一石加半之借口耗羨誰敢持豈無文告切禁掄尖與踢斛交糧歸去一路哭糧若交遲倉米足折錢入囊不收穀官之美缺半飽此豈識窮簷盡枵腹管倉入衙樂金多勸官明年早催科

忠雅堂文集

卷十二

雜著四

三

謹奢侈

俸錢在囊祿精在倉仰事俯畜各以康官腹甚飽而野多餓殍官衣滿桁而民多凍僵當時晝粥斷葢捉襟露肘志何事豈爲鮮衣美食計絀綺無纖塵奪爾印綬爾不如窮民華筵羅八珍劾爾貪饕爾不如細人可怜墨吏子孫死溝瀆怒罵祖父不惜福

防窺伺

利之所在趨者如鶩左右內外之人有同欲唯官之勢處于獨一室之事不盡知一縣之事豈無疑官有七情人可得而持人情數變官莫得而窺或好或惡或喜或怒有人竊之以求厚賂傷哉爾官實爲孤注至親且然矧彼陌路

釋史鑑

三日不讀書語言無味面目可憎嗚呼山谷此語何兢兢國之治亂政之得失人之邪正備于史以古証今指掌耳今人所爲古人皆先之今人所駭古事皆全之爾胡弗展卷而貫穿之乃以俗吏武健之術自勉旃之噫嘻今之退食者縱欲孔多粉白黛綠恆舞酣歌不學無術惶懼其他優孟衣冠終焉奈何

安進退

偶然者仕宦綽然者吾身苟無愧于君父吾志可以伸  
官不與我生俱來我不可一日無官也何爲也哉人非  
聖賢得喪欣戚亦有懷平生所讀者何書乃于富貴利  
達沈溺而不同持一束書而得官持一束書而罷官歸  
揖父老父老懽飲我我竹葉酒著我鹿皮冠古來宦海多  
波瀾中流覆溺亦大難爾何視官爲性命雞皮鶴髮作  
傀儡千狀萬態供人看

忠雅堂文集卷十二終

忠雅堂文集

卷十二

雜著  
三

忠雅堂古文跋

山川靈秀之氣每經鬱積而人才挺生矧江右山水雄壯深厚甲於東南其人之詩文遂與山川之氣爭奇競秀以垂不朽於千秋間嘗讀江右古文選一編美不勝收求其繼廬陵而起者其惟 蔣心餘先生乎世推

先生之詩言情而出以蘊藉用事而妙於剪裁金銀銅鍍鎔爲一鑪而不覺其雜酸鹹辛甘調於一鼎而愈覺其和無他有我以主之有氣以運之故也愚謂先生之文亦然其命意之高超有如五老峯之聳峙雲霄也其用筆之峭拔有如小孤之秀絕江心也其詞源之傾筐倒篋有如廬山瀑布之叠出而不窮也其布局之沈鬱頓挫包羅萬象有如彭蠡湖之停滯汪洋渺不知其涯涘也 先生登玉堂舉臺班其進奉文字雍容大雅惜抱匡世之才而未克展其用碑傳序記每遇忠孝節烈事表微闡幽不遺餘力真不愧史筆銘贊書跋腕摯敦厚之情藹然溢於筆墨之表至其自作府君行狀及家祭告哀諸篇聲淚俱下蓋發於至情至性不自知其泣鬼神而咽金石 先生之文實有關於世道人心而非苟作也繼廬陵而起者舍 先生其誰與違古文一道至我 朝爲極盛康熙年間首推方靈臯先生前乎方

氏者有侯朝宗魏永叔朱竹垞汪茗文姜西溟邵青門  
後乎方氏者有劉海峯全榭山袁隨園魯九臯朱梅崖  
彭尺木姚姬傳惲子居劉孟塗竊嘗論之文氣之奇莫  
如魏叔子文氣之正莫如方靈臯參奇正之間莫如惲  
子居此外恃考據以矜博者有之矣侈雕繪以誘工者  
有之矣若行以勁氣出以深情而又雅正有法不能不  
爲 先生首屈一指 先生別有銅絃詞二卷是世間  
一種不可磨滅文字亦卽 先生之古文也 奎於 先  
生爲年家子頃寓羊城與 賢孫雲樵太守相過從詢  
及藏園舊板已湯漈無存 雲樵太守重抄而輯之以  
忠雅堂文集 卷士 跋 二

付剞劂

奎

校字幸得附名於簡末讀先生之文令人

神往於潯陽廬阜之間俯仰低徊而不能置也

年家子廖炳奎敬跋

男知白率孫

立昂敬輯

年家子

廖炳奎

校字

